

Tesalonaika Kimbi 1

Polnön Tesalonaika yengöra Kimbi mutuknji alök.

Jim-asa-asari

Rom mindimindiri kantrigö prowins qetnji Masedonia miangö siti bohonji mi Tesalonaika. Polnön misin nup memba liliköba Filipai siti mosöta Tesalonaika kaba nup meiga tosatñan uruñini meleşgetka kusum engii urumeleş kambu alget. Mi algetmö, tuarenjoñ mi miangöreñök asuhuyök. Polnön Kraistköreñ Buña keu jim asariba uruñini kuñguiga miangöreñ Grik ambazip Juda akeri, yengöreñök gwötpukñan uruñini meleşgetka kambu miangön sehiyök. Miangöra Juda ambazip uruñini qahö meleşda uruñinan böliiga Pol andö qem wangiget. Andö qem wangigerangöra lömböriiga köna jaruba engömosöta Berea taonön anök. Könangep Korint sitinön maliga nejakñi Timotinön alabaukñi aka Tesalonaika sitiyök kaba denöwö möt narigeri, miangö kösohotñi ali mörök.

Polnön Kimbiñi mutuknji Tesalonaika alöhi, mi Kraistkö alaurupñi yengö uruñini nangöba mötnaripñini mem köhöimapköra ohoyök. Kambu möt nariba urukalem ak angumakzei, miangö buzupñi mötagun yengöra Anutu möpöseiza. Nanjak malmal yembuk denöwö aka malöhi, mia ölum engubapüköra mi papianön ohoza. Tesalonaika urumeleş kambu sutñine keu tosatñi asuhui jigeri, Polnön mi meleşda jim asariba ohoza. Keu tosatñi mi kewö: Kraistnön liliğöba kaiga Suep malmalnön angotpini, miangöreñ tosatñan uruñini meleşda kömupnön ahözei, yengöra mönö denöwö asuhuma? Kraistnön wani nalönön liliğöba kama? Keu mi meleşda kewö jim kutum engiyök, “Iñini Kraist kunbuk kamapkö jörömqöröm aka al mamböta mala miangöreñ mönö nup ölöñji ölöñji mi jeger kinda pöndañ memba malme.”

Buk kiangö bahöñi bohonji 6 mi kewö:

Keu mutukñi 1.1

Saiwap jiba söñgaiba möpöseiza 1.2–3.13

Ahakmeme diñdiñi akñegö kuñgum enggiza 4.1–12

Kraistnön kamapkö keuñi kusum enggiza 4.13–5.11

Qambañ keu teteköñi tosatñi 5.12–22

Kimbigö keu kötni bohonji 5.22–28

1 ¹Pol, Sailas, Timoti neñon Tesalonaika urumelenj könagesö embuk keu eraum mötpingöra kimbi ki ohozin.

Iñini Iwi Anutu aka Kembu Jisös Kraist yetpuk qekötahöba kingetka yetkön mönö kalem möriam enjgiyohotka luainöñ malme.

Mötnarip köl gulizeañgöra söñgaizin.

²Neñon qösösök mötmörim enjgiba körek enjgöra “Anutu pipsaiwap!” jiba möpöseimakzin aka köuluk nup memba miangörej nalö dop qetjini qerakzin. ³Iñini Jisös Kraist jöpaköba möt narigetka urukalemñan nam köl enjgiiga nupñi köhöiba memakze aka Kembuninan lilingöba kamapkö jörömqöröm aka kapañ köla mambörakze. Neñon mi pakpak Anutu Iwininañgö jemesoholñe ölop mötmörimakzin.

⁴Urumelenj alaurupnini, Anutunöñ jöpaköm enjgiba iñini nanñangöra kewö möwölöhöm enjgiyöhi, mi mötzin. ⁵Neñon Jisösgö Ölöwak Buñani memba enjgörej kaba sutjine denöwö aka malini, iñini mi mötze. Neñon Buña mi keu töhönök qahö jiin mötketmö, Uña Töröñan mönö sölölohöm neñgii awösamkakak kinda ösum-mumuñambuk uruñini kuñguba malin. ⁶Mewö malinga iñini köñjiliñ ketañangö uruñe mala Buña keu möt añgön kölget. Mi añgö kölgetka Uña Töröñan sösonggai enjgiiga Kembu aka neñgö siliknini wuatangöba malje. Mi denöwö asuhuyöhi, neñon mi ölop mötzin. ⁷Mewö andönine kaba mala Masedonia Akaia prowins yahöt miangörej Jisös möt narizei, körek pakpak yengöra silik ölopñi kondel enjgimakze.

⁸Mi kewö: Iñini Kembugörej keu möta añgön köla jiba malgetka tosatñan mi añgötömual ewö toroqeba jim sehigetka anök. Anda mala Masedonia aka Akaia prowins yahöt mi dop köl teköyök. Mi dop köl teköyökmö, miyök qahö. Iñini Anutu möt nariba nupñi megeri, miangö ölnan mönö gölme dop anda kaba sehiiga gwötpukñan uruñini melenget. Mi kilik-kalukñi qahö. Miangöra nini miangö keuñi kun qahö toroqeba jibin.

⁹Nini enjgörej kainga denöwö asuhuyöhi, miangö kösohotñi mi miri tosatñi yeñon jigetka añgötömual ewö mörakzin. Iñini tandö lopioñ aka bem muneñi andö enjguba Anutu ölbölñi aka malmal Tonji yangörej melenđa nupñi memba malje. ¹⁰Anutunöñ Nahönñi mem gulii kömupnöhök wahöröhi, iñini yañon Sup mireyök eta asuhumapköra mambörakze. Anutugö irimsesewölñan könangep aukñe asuhuiga Jisösnöñ mönö eta jeñberereñ kanjamñambuk miangörejök meköm neñgima. Mewö.

^a 1.1 Apo 17.1 ^b 1.6 Apo 17.5-9

Polnōŋ Tesalonaika uruŋe nup denōwō meyōk?

2 ¹O urumeleŋ alaurupnini, nini eŋgöreŋ kaba nup meini, miaŋōn mōnō qahō pōmsōm qeyōkmō, ōlŋi ōlōp asuhuyōk. Nanŋinak mi mewōyōk ōlōp mōtze. ²Qahō pōmsōm qeyōkmō, mutuk Filipai sitinōŋ nup meinga örōm ureim ak neŋgigetka sihimbōlō mōrini, mi mōtze. Sihimbōlō mi mōtagun eŋgöreŋ kainga tosatŋan tuarenjoŋ kōhōikŋi ak neŋgigetmō, mi tōndup Anutunōŋ awōsamkakak neŋgi kinda Ōlōwak Buŋaŋi jim asarim eŋgiba malin.

³Neŋgō kōnanini kewō: Urukunŋukunŋu keunini mi isimkakalek qakŋe qahō jimakzin. Naninak janjuŋ ahinga uruninan tōlōhobawak, mewō mi qahō jimakzin. ⁴Mewō qahōpmō, Anutunōŋ Ōlōwak Buŋa jim sehibingōra neŋgeka urunini kewōri dop kōliga mōt narim neŋgiba Buŋaŋi neŋgiyōhi, miaŋgō dop mōnō keuŋi memba jim asarimakzin. Anutunōŋ urunini esapkōba kewōrakza. Miaŋgōra neŋōn yuai pakpak Anutugō jeŋe dop kōlbingōra ahakzin. Mi ambazip sihimŋini wuatangōbingōra aka qahō. ⁵Neŋōn nalō kungen ambazip kelewele keu kelōk ak eŋgibingōra qahō anda kaini, mi mōtze. Nini nepaqepalok dogonini esuhuba moneŋ yuai neŋgimegō mōndōmōndō keu siŋginŋi qahō jiin. Anutunōŋ kōnaŋamnini mi ōlōp jim naŋgōma. ⁶Eŋōn me ambazip tosatŋan qetbuŋa neŋgimegōra qahō kapaj kōla malin.

⁷Kraistkō aposolurupŋi akzinangōra ōlōp uruŋini kewō kuŋgubinak, “Iŋini mōnō naŋgōm neŋgigetka sutŋine urugō nup membin.” Mewō jiinga dop kōlbawakmō, neŋōn eŋgō sutŋine mōkōqōkōli aka malin. Nahōnbōrat namŋinan juzu eŋgiba kōyan kōl eŋgimakzawi, miaŋgō dop mōnō nanini memba et al aŋguba ōsōŋ ak eŋgiba malin. ⁸Neŋōn iwinam ewō mōkōkōlim ak eŋgiba malinaŋgōra Anutugōreŋ Ōlōwak Buŋa eŋgiin aka toroqeba nanine malmalnini mewōyōk kōleŋ eŋgibingō jōjōrōba malin. Iŋini ōlŋa wōlbōt nahōnbōraturupnini aket.

⁹O urumeleŋ alaurupnini, neŋōn eŋgōra aka nup memba silenini qeba malini, mōnō mi mōtmōrime. Naŋgōm neŋgimegō lōmbōtŋan eŋgōreŋōk kungō qakŋe ōngōbapukōra suŋgem asak nanine bōrōninan nup memba Anutugō Ōlōwak Buŋaŋi jim asarim eŋgiba malin. Mi mōnō ōlum eŋgubapuk.

¹⁰Jisōs mōt narizei, neŋōn eŋgō keuŋini pakpak diŋdiŋanōk kewōta sarakŋi kōpōsihitkō keunini qahō malin. Iŋini mi eka mōta naŋgōba jim naŋgōmeaŋgō dop akze. Anutunōŋ mewōyōk mi jim naŋgōba dangunu ewō kinja. ¹¹Iwinōŋ nanŋi nahōnbōraturupŋi ōsōŋ ak eŋgimakzawi, miaŋgō dop neŋōn iŋini mohot mohot ak eŋgiba malin. Mi mewōŋanōk ōlōp mōtze. ¹²Neŋōn urugō naŋgōnaŋgō keu jiba urukōlalep ak eŋgiba

© 2.2 Apo 16.19-24; 17.1-9, 14; Apo 17.5

malin. Anutunöj injini nanje bemtohojñöj angota asakmararaje asarimegöra engoholök. Miañgöra neñön uruñini kuñguba keu kewö jim tuariba malin, “Ahakmemenini mönö Anutugö jeje dop kölmawangö dop sarak sorokñi aka memba malme.”

¹³ Miañgöra neñön mewöyök sundan Anutu kewögöra möpöseimakzin: Anutugö Buña keu enjiini, mi gölme ambazipkö keu ewö qahö buña qem angugetmö, ölna Anutugö keu jitekö dowä mötä mi angön kölget. Mi möt narigetka miañön mönö kölönaim enjiiga letorakze. ¹⁴ Juda ambazip Judia prowinsnöj uruñini melengetka Juda tosatñan angösirip ak enjigetka sihimbölö mötket. Yeñön mi mötä töndup Kraist Jisösbuk qekötahöba kindä Anutugö urumelen könagesöñi aket. Urumelen alaurupnini, engö sutñine mönö mewöñanök asuhuyök: Nanñini Grik ambazipnöj Juda yeñgö tandök ewö ak enjigetka injini sihimbölö örörön mötä Anutugö könagesöñi aket.

¹⁵ ^d Juda yeñön kezapqetok ambazip enjuget kömugetka Kembu Jisös mewöyök qegetka kömui nini sesewerowero ak neñgiba malget. Yeñön Anutugö jeje qahö dop köla ambazip pakpak kerök ak neñgimakze. ¹⁶ Neñön kian kantri enñön uruñini melenja letotmegöra Buña jibinbukö angön köl neñgimakze. Mewö siñgisöndok sundan aka qerakögetka qakñine öngömakza. Siñgisöndokñini qerakögetka dopñi Anutugö jeje kokolak qeiga irimsesewölñi toroqeba angön kölmamgö osiba nalö kewöñe kondeli qakñine lök öngöza. Mewö.

Polnöj Tesalonaika kunbuk anmamgö mörök.

¹⁷ O urumelen alaurupnini, neñön nalö kewöñe nalö töröpñi denja maljin. Sileninan denja maljinmö, uruninan jöhöba mohotje maljin. Miañgöra engö jesöñgööröñini ekingöra mönö kapañ köla awöwengöba maljin. ¹⁸ Miañgöra engörej kabingö mötä malin. Pol nöñön sömañ mohot-töp qahöpmö, indimñi yahöt kamamgö esapköyalmö, Satanöj jöhöm neñgiiga osiin. ¹⁹ Injini nanine ila jalö soroknini ewö kinje. Kembunini Jisösnöj lilingöba kaiga yangö jemesoholje angota kinbini, miañgörej engeka “Urugö nup önewat qahö memba malin,” mewö jibingö mötzin. Neñön keu mi injini aka tosatñi yeñgöra aka awamñanök jibingö jörömqöröm akzin. Miañgöra engöra önöñi qahö söñgaiba silenini memba öngömakzin. ²⁰ Neñön engöra aka qetbuña miwikñaininga sösongai ak neñgimakze. Mewö.

Timoti melaiyohotka Tesalonaika anök.

3 ^{1e} Injini denöwö aka maljei, mi mötpingö mötkurumkurum ketanji ak bibihiba toroqeba öne malbingö osiin. Miañgöra nanirök

^d 2.15 Apo 9.23, 29; 13.45, 50; 14.2, 5, 19; 17.5, 13; 18.12 ^e 3.1 Apo 17.15

Atens sitinöŋ malbitkö keu jöhöba ²alaniri Timoti melaiziga engörej kayök. Yaŋön Anutugö nup memba netpuk Kraistkö Ölöwak Buŋa jim sehimakza. Yaŋön uru naŋgönaŋgö keu engiba mötnaripŋini mem köhöimapköra kayök. ³Anutunöŋ areŋnini jim teköiga tosatŋan angösirip ak engimakze, mi nanŋinak ölöp mötze. Engörejök kunŋan köŋjiliŋ uruŋe koŋgwarak aka löwöribapuköra jiinga kayök.

⁴Neŋön Tesalonaika embuk mala nalö miangörej engöra qeljiŋe keu kewö jiin, “Kembugö jitsihitŋi tem kölinga ambazipnöŋ sesewerowo ak neŋgigetka wahöjalŋ miwikŋaibin.” Mewö jiinga miangö dop öŋa asuhuyöhi, mi ölöp mötze. ⁵Mewö asuhuiga esapesap Toŋan esapköm engii löwöriba etiketa nupninaŋgö öŋan eta pömsöm qebapuk. Miangöra denöwö möt nariba maljei, mi mötŋingö mötkurumkurum ketaŋi ahin lömbörüi kunbuk öne malmangö osiba Timoti melaibiga qesiba mötmangöra kayök. Mewö.

Timotinöŋ kösohotŋini ali möt ölöwahin.

⁶Mötkurumkurum aka malinmö, Timotinöŋ anda engömosöta liliŋgöba kaba buŋaŋini ölöŋŋi memba kaba kewö jiyök: Iŋini Kembu ölöp möt nariba urukalem ak angumakze aka nalö dop neŋgöra mötmöriba ölöwahakze. Neŋön engekingö sihimŋi möringa eŋön mewöyök nini neŋgekingö kapaŋ kölakze.

⁷O urumelen alaurupnini, neŋön sesewerowo köŋjiliŋ könaŋi könaŋi möringa nalö miangörej kaba möt narizeangö kösohotŋi ölöŋŋi jii mötziga keu miangön mönö öŋa urukölalep ak neŋgiyök. Miangöra nalö kewöŋe engöra aka amqeba luainöŋ ölöwaka maljin. ⁸Iŋini Kembubuk qekötahöba böŋ qeba kinmeangöra neŋön mönö öŋa köhöiba maljin. ⁹Engöra aka Anutugö jemesoholŋe önöŋi qahö söŋgaimakzini, söŋŋai pakpak miangöra mönö denöwö Anutu möpöseiba saiwap jiinga dopŋe akawak?

¹⁰Neŋön suŋgem asak urunini qezaköba kapaŋ köla kewö köulukömakzin, ‘Anutu, mönö bauköm neŋginöŋga Tesalonaika anda jesöŋgöronŋini eka mutulaŋgöba mötnaripŋinaŋgö yuaigöra osizei, mönö mi engibin. Keu mi öŋa.’

¹¹Mewö köuluköingä Anutu Iwinini nanŋi aka Kembunini Jisös yetkөн mönö köna mesat neŋgiyohotka ölöp engörej kabin. ¹²Toroqeba kewö köulukömakzin, ‘Nini urukalem önöŋi qahö ak engimakzini, Kembu göŋön mönö urukalemgi toroqeba kondel enginöŋga sutŋine sehiiga kondel angumakŋe aka ambazip pakpak kondel engimakŋe. ¹³Kembu, göŋön mönö uruŋini mem köhöimakŋan. Kembunini Jisös göŋön könaŋep könaŋesögi sarakŋi pakpak yembuk kunbuk kamani, nalö

^f 3.6 Apo 18.5

miaŋgörey Tesalonaika yeñon sarakŋi köpösihitkö keuŋi qahö Iwinini Anutugö jeñe kinme.’ Mewö köulukömakzin.

Ahakmeme solanŋi urukalemŋambuk mi dop kölma.

4 ¹Urumeleŋ alaurupnini, keu kun kewö: Ahakmemeŋini Anutugö jeñe aket dop kölmawaŋgö könanŋi kusum enŋiinga mi lök köl guliba wuatangömakzemö, mi toroqeba gwötpuk ahakŋegöra uruŋini kuŋguzin. Neñon qambaŋ keu mi Kembu Jisösgö qetŋe enŋizin. ²Neñon Kembu Jisösgö kukösum qakŋe kinda jöjöpaŋ keuŋi jim kutum enŋiini, iñini keu mohot mohot mi lök möt teköze.

³Anutunöŋ enŋöra jitsihitŋi kewö mötza: Iñini mönö sero yoŋgorö andö qeba sarakŋi aka tök-kutukutuŋi aka malme. ⁴Anutugörey köna diŋdiŋi mi mönö kewö möt kutume: Uru sileŋinaŋgö sihim kömbönaŋini galöm köla sarakŋi (mala nanŋini anöŋŋini nanŋik nanŋik memba) malgetka aködamunŋambuk akŋa. ⁵Urumeleŋgö kopa yeñon Anutugö könanŋi qahö möt kutuba uruŋini könöp jeiga ambi laŋ memakze. Miaŋgö dop kude aka malme.

⁶Mewö qahöpmö, ambi aŋŋan kungen aniga kunöŋ ölöŋ kaba ambi kude saitköma. Kunöŋ bölöŋi mewöŋi ahiga uruŋiran kömbuhibapuk. Mutuk qambaŋ keu mi jiba galöm mem enŋiini, miaŋgö dop kunöŋ ambi mem böliiga Kembunöŋ siŋgisöndokŋi pakpakö likepŋi meleŋ waŋgima. ⁷Anutunöŋ nini qewöloŋ malbingöra qahöpmö, malmal sarakŋi malbingöra neŋgoholök. ⁸Miaŋgöra jöjöpaŋ keu mi mosötmawaŋön mönö gölme ambaziwa qahöpmö, Anutu nanŋa andö qema. Anutu Uŋaŋi Töröŋi enŋimakzawi, ia mönö andö qebepuk.

⁹Sutŋine jöpaköm aŋgumakzei, miaŋgö könanŋi Anutunöŋ kusum enŋii nanŋinak lök möta malje. Miaŋgöra neñon urukalem ak aŋgubingö keuŋi kunbuk ohom enŋibingö qahö osizin. ¹⁰Masedonia prowins uruŋe urumeleŋ alaurup pakpak uruŋinan jöpaköm enŋiba maljemö, urumeleŋ alaurupni, mi mönö toroqeba gwötpuk ahakŋegöra uruŋini kuŋguzin. ¹¹Mönö ösöŋ mala nanŋini malmal nanŋönaŋgöŋini galöm köla böröŋinan nup memba malme. Mewö aka aködamunŋinambuk akingö kapaŋ köla kinme. Mutuk mewö jim kutum enŋiinga miaŋgö dop mönö aka memba malme.

¹²Mewö aketka uruŋini qahö meleŋda yaigep kinjei, yeñon ahakmemeŋini solanŋi ek yaköba göda qem enŋiba malme. Injarere laŋ mala nene yuaigö uleta kungö qakŋe kude malme. Mewö.

Kembugö kaka nalöŋe kewö asuhuma:

¹³Urumeleŋ alaurupnini! “Tosatŋan uruŋini meleŋda kömumba ahözei, yeŋgöra denöwö asuhubawak?” Iñini keu mewö jiba miaŋgöra gukmaulem malbepuk. Ambazip uruŋini qahö meleŋda jörömqöröm qahö

maljei, yeñon kömukömuñi yeñgöra aka wösöbirik maljemö, eñon i ewö wösöbirik malbepuköra keu kewö jibin: ¹⁴Jisösnöñ kömumba wahöröhi, nini keu mi möt nariba kewö jizin: Anutunöñ Jisös mem guliyök. Miañgöra ambazip yambuk kömumba nöñ qegeri, Anutunöñ mönö i mewöyök mem guliba Jisösbuk mohotñe enguañgiri aukñe asuhume. Keu likepñi möt narizin ewö, likepñi kun mi mewöyök möt nariinga dop kölma.

¹⁵⁠Kembunöñ keu kusum neñgiiga neñon yañgö jitñi mi engöra kewö jibin: Tosatñi neñon qahö kömumba toroqeba silebuk malinga Kembunöñ lilingöba kamawi, nini nalö miañgöreñ mutuk qahö öñgöbin. Nini ambazip kömukömuñi qahö engongitpin. Qahö. ¹⁶Miañgö areñi kewö: Anutunöñ tömunñi qainñi kun uiga ötöñi asuhuiga Suep garata bohonñan jimkutukutuñi qeriga ambazipnöñ kourukñiri mötketka Kembunöñ nanñak Suepnöhök etma. Kraistnöñ eriga i möt narim wañgiba kömugeri, yeñon mönö mutuk kömupnöhök wahötme.

¹⁷Yeñon mutuk wahötketkun nini qahö kömumba jebuk malbini, Anutunöñ mönö neñguañgiri könakemba öñgöbin. Wahötkeri yembuk öröröñ kousunöñ öñgöba Kembubuk aitongöba yambuk Suep mire sundan dop malbin. ¹⁸Miañgöra keu mewöñi jiba miañon mönö uruñini nañgöm añguba malme. Mewö.

Kembunöñ kamapköra mönö jöjöröba malme.

5 ¹O urumeleñ alaurupnini, Kraistnöñ lilingöba kamapmö, wani yambunöñ aka wani nalönöñ asuhumawi, nini miañgö keuñi ohom eñgibingöra qahö osizin. ²⁠Iñini nanñinak keu mi ölöpñanök kewö möt kömuze: Yoñgorö memenöñ suñgem ölöñ kañgorakzawi, Kembugö kaka nalöñan mönö miañgö dop wölañ kam kuñguma.

³Ambazipnöñ kewö jime, “Merak luai qem neñgii siyoñsayoñi qahö maljin.” Mewö jigetka miañgöreñök köndeñmöndeñ asuhuba qakñine öñgöma. Ambinöñ morö memamgö masöñi qei mörakzawi, mönö miañgö dop asuhuiga misingöba anbingö osime. ⁴Yeñon osimemö, urumeleñ alaurupnini, eñon pandaman uruñe jipjap qahö maljeañgöra nalö miañon mönö sañgabañga yoñgorö meme ewö eñgö qakñine öñgömapkö osima. ⁵Körek eñon mönö asakñañgö ambaziwa akze aka yuai pakpak aukñe akingö ak eñgimakza. Nini söñaupkö ambaziwa qahö akzin aka ömukñañgö yuaiñi tököba sisit memakzin.

⁶Miañgöra tosatñi i ewö uruninan gaun ahöbapuk. Mewö qahöpmö, nanini galöm köl añguba uruguliguli malbin. ⁷Gaun ahözei, yeñon suñgem gaun ahömakze. Ambazip o köhöikñi nemba eñololoñ ahakzei, yeñon mönö söñaupnöñ mewö aka malje.

⁠ 4.15-17 1 Kor 15.51-52 ^h 5.2 Mat 24.43; Luk 12.39; 2 Pitö 3.10

⁸ Söŋaup uruŋe mewö ahakzemö, asakŋaŋgö ambazip neŋön mönönanini galöm köl aŋgumakin. Wahöjambanini mönönopo maluku ewökewö löŋgöta kinbin: Neŋön mötnarip aka urukalem köl guliba mewö miaŋön töptöpnine göwaŋgöwaŋ kepölaköba (suman ewököla) sel jöhömaŋguba kinbin aka Suep mire öŋgöbingö mamböta jörömqöröm aka mewö miaŋön nööröpnini ain irikmarik ewö esuhuba turubin.[†]

⁹ Anutunöŋ nini et neŋgui irimsesewölŋi mötpingöra qahö jim teköyökmö, Kembunini Jisös Kraistnöŋ mem letot neŋgii oyaekoyaeŋ buŋa qem aŋgubingöra jim teköiga maljin. ¹⁰ Jisösnöŋ neŋgöra aka kömuyöhaŋgöra malmalnini gölmenöŋ malbini me kömumba nöŋ qeba ahöbini, mi mönönö Jisösbuk köhöiba malbin. ¹¹ Miaŋgöra uru naŋgönangö aka möhamgöm aŋguba köhököhöi miwikŋaiba mutulaŋgömakzei, mi mönönö toroqeba memba malme. Mewö.

Qambaŋ aka goro keu qöndökŋi

¹² Urumeleŋ alaurupnini, neŋön kewö jim kutum eŋgizin: Galömninan Kembubuk qekötahöba kinda sutŋine nup memba qambaŋ eŋgimakzei, i mönönö göda qem eŋgiba malme. ¹³ Göda qem eŋgiba nupŋini memakzeangöra mönönö öŋa jöpaköm eŋgiba yeŋgöra mötket öŋgöma. Könagesö sutŋine mönönö luai qem aŋguba malme.

¹⁴ Urumeleŋ alaurup, neŋön urukungukungu keu tosatŋi kewö eŋgizin: Tosatŋan nanŋini imbi-imbi wuatangöba injarere laŋ maljei, mi mönönö jim eŋgiba galöm meme keu eŋgime. Ziriziriziriy ambazip yeŋgöra mönönö uru naŋgönangö keu jigetka köhöiba awösamakak akŋe. Ambazip uruŋini löwöriiga maljei, i mönönö köyan köl eŋgime. Urukönöp kude akŋemö, ambazip pakpak mönönö urubönjöŋ qakŋe ak eŋgime. ¹⁵ Jinöŋ jibi, nuŋgunöŋ guhubi me aknöŋ aki mi kunŋan kude akŋa. Soŋgo mi walöŋbepuköra mönönö galöm mem aŋguba malme. Nalö dop yuai ölöŋŋi ölöŋŋi mi kapaŋ köla ak aŋgumakŋe aka ambazip tosatŋi pakpak ak eŋgiba malme.

¹⁶ Mönönö nalö dop sösoŋgai aka malme. ¹⁷ Sundan dop Anutu köuluköba malme. ¹⁸ Mewö me mewö asuhumawi, miaŋgöreŋ mönönö Anutu möpöseiba malme. Kraist Jisösbuk qekötahöba kinjei, Anutunöŋ eŋgöra jitsihitŋi mewö mörakza.

¹⁹ Uŋa Töröŋangö bölamŋi mönönö kude qömbököme. ²⁰ Anutugöreŋ kezapqetok keu jimakzei, miaŋgö jijiwilitŋi mönönö kude akŋe. ²¹ Keu

[†] 5.8 Ais 59.17; Ef 6.13-17 [†] 5.8 Ömewöröme yeŋön sölölohöm neŋgimegöra yuai bölöŋi bölöŋi mi ŋingip kesarek ewö gila neŋgöra mulahakzemö, miaŋgö jitŋi mi ölöp Jisös möt nariba urukalem kondela kinda likeplikep suman ewö közamböt aŋguba közangömakin. Mötmötninan siksauk aiga jaŋjuŋ anbinpuköra ölöp Anutubuk ösupköinga kalem möriamŋan nööröpnini irikmarik ewö sel jöhömaŋgubi neŋgiiga amöriiga Suepkö könaŋi wuatangömakin.

pakpak mönö kewöta esapköme. Esapkögetka keu ölöpji asuhumawi, mi mönö anğön köla malme. ²²Keu aka ahakmeme bölöñi könani könani mi mönö andö qeba malme.

²³Nöñön enğöra kewö köulukömakzal, ‘Luaiğö bemñi Anutu, gi nangak mönö lökñanök tök kutum enğinöñga sarakñi aka malme. Göñön mönö uruñini, uñaniñi aka sileñini mi lökñanök sel jöhöm enğinöñga köpösihitkö keuñi qahö aka malme. Mewö nalö dop malgetka Kembunini Jisös Kraistnöñ liliñgöba kaba mewö miwikñaim enğima. Keu mi ölña.’ ²⁴Enğoholjawi, yañön keuñi pöndañ wuatañgömakza. Miangöra mönö köuluk miangö dop ak enğim teköma.

²⁵Urumeleñ alaurupnini, enğön mönö nenğöra aka Anutu köuluköba malme.

²⁶Urumeleñ alaurup pakpak sutñine mönö anğum anğuba numbuñini yöhötüm namba malme.

²⁷Nöñön Kembugö qetçe jim kutum enğiba jöjöpaj keunöñ jöhöba kewö ohozal: Kimbi ki mönö urumeleñ alaurup pakpak yenğöra algetka oyoy enğigetka mötme.

²⁸Kembunini Jisös Kraistkö kalem möriamñan mönö embuk ahöma. Mewö.